

台州府志

長霖



台州府志卷一百零九

人物傳十 宦業四

明三

林浩

陳瓚

朱存謙

董世康

陳器

孫承爵

柴鑣

鄭特

符匡

孫子驗 良 佶

林殷

蔣泮

孫子中 澤 穆

張壤

從兄 塤

侯緘

曾祖 丕

胡孟瑞

子鵬鳳 楊 武 孫允佳

戴時弁

王度

子圖 東

潘穎

周寵

孫士顯

應大桂

子存 魯

馮良亨

許仁卿

鄭茂寬

邵濬

張志淑

余鐸

應從立

鄭茂寬

余世英

孫承平 曾 孫念修

林元棟

王穀

陳文祿 徐 滋

鄧棟

兄君 秩

孫銳

何寵

孫韶 舜 齡 舜

應明德

子汝 祿

馮應麒

兄君 秩

應存初

子世功 孫昌稷

應存性

子世科 孫昌期

應存卓

子汝 化

項思教

祖復 宏 匡

林一煥

盧明章

馬一洪

張鈇

王崇 巖

劉恩至

葛浩

李超

張元勳

楊文

季金郝鍾

王瑞

馮學易

石承芳

葉焯華涇臧用志

孫惟中

徐洌子人文

林國材

項汝康

葉承攢

陳三槐

沈友儒

王廷繡

周弼

夏聰

應朝卿

從弟彥卿
昌基

金孚兌

鄔若虛

陳應薦

徐天祐

陳煥孫惟份

陳蒙吉

周頌子鼎新

張昌辰

陳期奎張士維

應世虞

蔣澤隨

王如春

祖從鼎

徐子瑜

任大治

葉中聲父繩英宗

張文郁

葉泉父邦問

張鍾音

胡獻來

石啓明

張鳳翼父應魁
弟鳳翀

蔣大捷

牟賢

鄭之產

董汝昌

柯夏卿父時邁

許鳴遠

羅應昌

明三

林浩字寅直別字養齋黃巖人少從同縣符匡學正德二年舉於鄉累試不第謁選得亳州知州毫稱盜藪浩至按捕數十欲以寬惠字民地瘠而賦縣浩以爲病凡程課所宜辦常假貸與民弗爲苛急由是浸不得上官譽故事巡按御史行部至長吏盛集義勇抱弩負蘭迓諸境上浩減去義勇第拱候於郭門外御史固勿悅詰以吏事浩又抗言無異色御史怒劾之然士民率愛惜浩稱爲良有司文選薛采毫人也時方家居寓書抵部部司議量移他州浩艷然曰厲民以圖遷秩吾弗能遂上章求改教職選建寧巡按御史聶文蔚方建書院於省城檄浩主其教尋歸建寧卒年四十六

葉良佩撰墓碣

陳瓚字宗器天台人正德五年舉人

正德縣志

授上元知縣清介有守

萬曆縣志

適患旱跪禱烈日中父

老泣請不聽須臾雨大至民德而祀之以鯁直忤當道歸年九十二卒

康熙縣志

著有撚鬚集

萬曆縣志

朱存謙號涵虛天台人以國子生授湖廣寧鄉縣丞三年不妄杖一民俗貧者多鬻身謙勸以

勤儉自愛且捐俸爲贖邑多暴棺捐資厝之陞慶府紀善告歸宦囊蕭然

康熙縣志

董世康字仲濟號梅澗臨海人正德五年舉人嘉靖七年選漳州推官俗號多訟世康以不欺

臨之不數月而民服訟遂以簡有餽尊酒者發之見鎰金焉蹙然曰爾奚至我哉以白守守賢之罪其人嘗檄掌南靖長泰二縣事弭盜濟饑聲烈尤著十一年攷績歸至錫山卒年六十三世康平日言若不出口而心字朗如居家以孝弟稱

金賁亭撰墓志

陳器字德器號三石臨海人璫曾孫父宙字永大宣城訓導器舉正德八年鄉試第一明年成進士授淮安推官持法不畏權禦郡有鎮守總兵舊例丞以下咸以屬禮見器力爭於督撫獨與抗禮遂著爲令陞刑部主事多所平反會武宗巡游儲貳未定器抗章奏請早選宗室之賢者養於宮中如宋仁宗育英宗故事言甚愷激人咸爲危尋以予告終養歸永嘉張孚敬以公車過台造門請益器不相推許及孚敬得政器服闋竟不赴補家居四十年足迹不履公庭布衣疏食誘掖後進年七十五卒著有讀律膚見穎川世系石居漫興等稿

康熙志

孫承爵承爵字

乾甫號元齋萬歷七年舉順天鄉試十四年授衡陽知縣首清兌運帶徵諸弊築堤修學政聲甚著十六年入覲八膺獎薦以內艱歸起補黟縣任滿陞漳州知州調雲南羅平罷歸行李蕭然卒年六十餘著有憑枕編

康熙志

柴鑣字仲和號雪松臨海人

康熙志

篤志嗜學簡靜不慕外

續台攷

與同里金賁亨趙淵章嶽以名

節相砥礪

宋世榮臨海補志料

正德八年舉於鄉除滎陽教諭陞閩縣知縣改永春

康熙志

至卽進父老詢

疾苦邑之轉輸永寧軍者請改輕折價

福建通志名宦傳

嘉靖二年夏寇起惠潮由汀漳入閩略泉及

莆所在長吏獨完其府藏廨舍出郭數里外輒委以飫賊鑣獨飭保伍訓人卒寇知有備去明

年寇復至

張淨峯文集

鑣選鍊鄉兵躬擐甲胄自花石嶺追至小尤團凡十餘戰賊黨殲焉更建學

宮於白馬山聚諸生督課文學境內淫祠悉改爲社學延名儒修邑乘百廢具興

福建通志

諸生感

其德肖像以祀轉汀州通判亦有政聲迄歸率其弟鏗養母甚至及分爨以己所置田廬與之

從弟鋒母老鑣亦以田助養鄉人甚推重之

康熙志

鄭特字汝英

雍正通志引舊通志

號兩谿黃巖人正德八年舉人

康熙志

知崇明縣縣居環海中民以魚鹽

爲計蘆洲爲產故事魚鹽船戶皆有恆例動以千緡蘆洲則聽勢豪兼并特至首除恆例而歸

蘆洲於民勢豪譖之御史李某被劾送部調用廷論冤之斥李改特望縣

舊通志

以疾卒於京師

旅橐蕭然無以爲殮學士黃綰行人何贊爲治其喪請驛馳歸

康熙志

抵姑蘇崇明民無老幼咸

號泣以送

舊通志

祀崇明名宦祠

康熙志

同縣符驗銘其墓

乾隆縣志

符匡字允試號正齋黃巖人曾祖文勉明初嘗代其兄繫大辟獄久之以天變獲宥鄉人稱爲

孝義匡夙承家教爲諸生敦實行泊視聲利刻志經籍爲文尙理要不事浮靡正德中以歲貢爲益陽訓導其俗尙鬼匡講明正學并著家禮輯要示之

康熙志

士俗大變時湖襄用兵巡撫秦

金檄匡攝縣事兵食罔弗辦陞邵陽教諭郡守楊淳御下嚴獨敬匡曰是能以四禮教諸生者

也府屬州武岡有親王岷府州官率撓於宗貴弗克治郡請以匡攝州事故事王府祿給外月

輸八十金爲稍食匡爲省至四金民大德之王亦感匡誠稱爲先生會修武宗實錄郡守推爲

總裁竣事力乞致仕歸浹旬卒年六十五

葉良佩撰行狀

郡人慕之請祀名宦祠匡性孝友嘗讓遺產

於昆弟還奩田於婦家論者謂其有祖風祀鄉賢祠

康熙志

第三子驗驗字大克號松巖嘉靖十

七年進士尙書霍韜與語奇之簡南京福建道御史累上封事指切利害劾貴幸不職悉協輿

論奉命巡揚子江上勦捕劇寇行部疏剔姦墨長吏至有解綬去者擢常州知府

康熙志

在興

革凡都野遠邇險易圖之以便句校二十四年大旱蝗驗日躬阡陌間每出以筐盛米數升柴

數束不勞民供億鋤强不避權要喜尊禮儒碩與徐問唐順之遊徒步過從竟日忘倦時郡人

薛應旂官南攷功主察留都爲姦人所紿驗竟坐不及

武進陽湖合志名宦傳

謫判蘄州臺諫交章稱枉

康熙志

應旂知驗賢悔且惜

武進陽湖合志

踰年移建安知縣布袍糲食風節矯然尤注意學校建學舍

講堂躬自講藝籍廢寺田以贍諸生邑有鐵冶往往以採礦致寇驗條陳罷之

福建通志
名宦傳

調彰

德同知檄覈湯陰田賦履畝則壤招集流移民甚德之擢廣西按察僉事致政歸驗自幼力學

造詣深厚事親孝執喪哀訓子姓以禮內外斬然家居清約出入未嘗乘輿

康熙志

之官不攜家

累但持二敝簾從一蒼頭常供以蔬人呼爲符青菜

明一統志

顧性隋直剛介不能少徇權貴人竟

以是弗究於用

康熙志

所著有四禮或問

浙江通志

留臺雜記八卷

明文志

革除遺事十六卷

四庫總目松

巖遺稿

千頃堂書目

殷祀鄉賢祠及建寧名宦祠

乾隆縣志

驗從子良佺良佺字引之號他山嘉靖中由

舉人官惠安知縣值視海副使致倭二十九人於省至楓亭夜破械殺監者以去護解兵役詣

縣請死良佺曰努力除罪勿怖也授方略於典史張承吉令搜捕又計賊窮走且入海榜沿海

居民謹備是日承吉挾兵往追賊果之峯尾良佺顧縣丞潘之禮佐之峯尾人先得縣榜皆甲

以待賊緣海掠舟峯尾人逐之退居墩臺良佺出家兵督戰三面團蹙生擒十二人餘馘以獻

二十九人無一脫

張鳳岡存稿

從弟良符字錫之萬歷間歲貢

康熙志

嘗分修縣志

黃巖志

林殷黃巖人正德間官沙縣丞持廉執法延平貢鑄劍京師不中式責沙償之殷言上官曰延

有六邑奈何責沙縣遂得分償

福建通志
宣續傳

蔣泮字良潔號南河

康熙志

仙居人父祿令安溪以清聞卒於官當路賻以金泮辭不受巡撫錢

鉞賢之檄所過州縣皆爲設祭泮登正德十五年進士授工部主事權稅荊州懲奸剔弊悉蠲

常例江陵驛每日向餽支應銀泮行州令貯庫備振光澤王重其雅操及回部贈詩有清風千

古人難並白日歸鴻數卷書之句陞員外郎督理倉廩中貴楊某欲交驩泮不與往來楊憾之

思中傷已而察泮所爲益加敬言於侍郎董某曰數年以來未有廉能如蔣副郎者遷郎中再

使湖廣卒於蘇州囊橐蕭然無以爲殮知府胡纘宗經紀其喪

萬曆縣志

子中穆字敬之嘉靖二十

八年舉人北上與楊繼盛訂交逆旅中爲商諫草發嚴嵩十罪楊繫獄人皆爲中穆危中穆坦

然楊死作楚些招之孫澤隨字立卿號思齋萬歷三十三年以貢任松陽訓導

康熙縣志

方正持大

體論事侃侃不阿以氣節箴諸生四十二年松陽饑傾囊買粟以給貧生不取其息士子繪絳

帳春融圖以詠之

松陽縣志

張壤字世重號方塘仙居人與從兄埏並有才名正德間相繼貢入太學壤授藍山知縣鄰邑

臨武土寇竊發壤率兵會桂陽知州計日殲之藍山舊有鑛穴鑿者輒傷民命壤令塞之賈人

失利賄以千金堅拒之復覓諸上官屢檄嚴行開鑛壤持之益固藍山人感之爲立祠其上未

滿秩聲母疾遂歸家居數十年卒著有方塘稿略主靜主敬會言十二卷垵字景裴號應山任

感恩知縣約己惠民公餘輒進諸生講學

康熙縣志

侯緘字世言

雍正通志引舊志

號三峯臨海人曾祖丕字仲謨

康熙縣志

正統三年舉人

宏治志

歷國子博士

終翰林檢討著有戒菴集緘登正德十六年進士

康熙縣志

授刑部主事有中貴下獄爲刺請者盈

案緘不之視曰吾知有法耳既而中貴得赦以緘能守法言於帝詔賜文綺旌焉

舊通志

嘉靖十

年出知池州府善剔奸蠹以安民明年建啓聖祠又明年大葺郡學續修齊山志

池州府志名宦傳

陞

江西副使歷四川參政廣東按察使

台嶠詩存

擢貴州布政使時思南宣慰司有僭慢者巡按欲召

詰之緘曰彼土官也急之則生變巡按竟召而杖之其部噪至城下發火露刃官司震恐緘曰

彼迂其主耳非有他也白巡按出之立階下禮諭而徐遣之卒不爲變

舊通志

二十二年以試錄

累左遷雲南副使轉江西按察使福建右布政卒於官

台嶠詩存

緘以廉節著所至有惠政殊績爲

徐階所稱

世經堂集

著有三峯稿

台嶠詩存

祀鄉賢祠

康熙縣志

及池州名宦祠

池州府志

胡孟瑞字應祥號直齋寧海人孝友溫文正德間以貢授歸化訓導待諸生誼甚篤貧士尤被

其德卒於官著有則唐詩集子鵬字萬里號龍洲嘉靖間以貢授卽墨教諭乞休歸撫按提學

俱旌獎之知府陳範爲書曰雅節明農士大夫各爲詩文以美之次子鳳字望東以孝友聞鵬子允佳字用賓號嵩石亦以貢授句容訓導多所造就陞魯藩教授抵任三月與王忬謝病歸

同縣楊武字子文有學行官汀州訓導嘗捐貲振貧士遷桐廬教諭不赴

康熙縣志

戴時弁字貞甫號東華臨海人幼敏異通五經爲叔父乾所愛嘉靖二年成進士殿試二甲例授京曹有權貴重其才名啖以館職時弁曰結奧援以進此吾讀書時見之而面發赤者豈忍蹈之耶以此忤出知亳州未幾以母老乞養歸與秦文蔡潮以詩文相唱和當事罕識其面母憂服闋擢工部員外督木四川有功授河南按察僉事整持風紀以廉介稱卒以不善事上官致仕性耽山水宦故薄不能備輿人畜一驢代步墮驢傷足嘗作墮驢謠著有東華文集子五人汝愿汝愚前後登鄉薦汝慤富陽教諭汝慤汝憲俱有文名

康熙志

孫謙自有傳

王度字律生

康熙臨海志

臨海籍寧海人

明進士題名碑

曾祖宗祖文皆冒范姓成進士至度始復姓王

台嶠

詩存

嘉靖二年成進士授職方主事

康熙志

以獨子請便養改教授補松江教授躬行孝敬敦本復

古諸生化焉

陸儼山集

陞南京屯田主事捕治京滑膝某適度以喪歸膝讒於吏部將入察典張侍

郎力持之起刑部調北京兵部由郎中出知建昌

台嶠詩存

誠心愛物有利於民必爲之歲大旱齋

沐露禱雨隨至多士爲賦蘇霖詩嘗建祠於麻姑山祀顏真卿李綱文天祥名曰三忠又改道

一書院奉朱熹陸九淵其中歷代缺典一時並興建昌府志巡按陳疏薦之稱其學有定見守有定

力疾惡不貸於鄉情千金貯庫愛民有懷於節用一郡稱仁時以爲確論云康熙志去之日郡人

立仰德祠祀之又祀名宦祠建昌志自號石梁著有石梁文集康熙志祀鄉賢祠臨海志子隋東字伯

祚王氏譜號蓋竹嘉靖間貢生康熙縣志萬歷初官常州府學訓導隋東學問該博尤精青鳥家言射

圃有古井茂樹蔭之隋東爲加封植磬石勒銘語人曰文風自此盛矣後果驗以母憂去官武進

陽湖合志有文名著有語道錄回浦集庚辛集雲言蔭松集等康熙志隋東子亮自有傳

潘穎字叔愚號五山寧海人幼穎異與石簡華涵同學稱畏友康熙志嘉靖二年成進士授豐城

知縣案牘山積一日剖決堂下無稱冤者修學濬河剔奸釐弊頌聲載道陞南京稽勳司主事

兼攝四司黜陟惟允超擢郎中未幾卒雍正浙江通志引舊志

周寵字君錫號東山臨海人嘉靖五年進士授儀真知縣縣當衝往來夫役供億甚繁民不堪

命寵力加節省以儼地鹽租諸稅益之歲減額金千餘守備武帥恣縱寵廉實白於當路繩以

法境賴以安蔡雲程撰墓志次年調江西永豐儀真士民思其德建仰止堂祀之康熙志永豐故多盜寵

設方略多所擒獲尋亦感化寵素精胡氏春秋暇日擇諸生穎秀者俾習之親爲講解多所造就當路交章薦越歲徵拜江西道御史上疏請開言路作士氣汰冗官節浮費抑奔競重數易會團營戎伍多缺部院以聞命寵巡按山東諸所條陳累數千言清出戎卒四萬九千有奇宗室有驕縱者寵輒以聞爲罷長史等官事竣復命會科道互糾江西道例當首事衆亦推寵寵毅然當之同官有不密者事泄寵謫判六安尋遷吳縣以不善迎合歸嘉靖丙午卒年五十有七子道諸生墓志孫士顯字仲韜一字翼生博學能文崇禎三年舉於鄉康熙縣志署歸安教諭課士有聲擢南昌同知寇阻未任康熙府志

應大桂字邦才仙居人大猷弟嘉靖五年進士授行人遷刑部主事轉工部員外郎稱職上賜銀壺一除漢陽知府多惠政調黃州學宮旁有隙地大桂捐俸構屋百楹集寒士肄業其中復署田三頃以給之政暇飲酒賦詩極登臨之樂時呼應東坡改登州清譽益著陞湖廣副使致仕子存魯字得之號省吾能世其學丙辰倭寇仙居當事者請命築城力役浩繁區長不堪命存魯慨然出數千金獨繕迎暉門以紓衆困家由之漸落恬如也萬歷七年舉順天鄉試除石首知縣興利去弊有廉能聲陞鶴慶通判歸康熙縣志

馮良亨字子通臨海人弱冠淹博游大理丞葉忠門篤志正學嘉靖七年舉於鄉教授鄉里識
王宗沐於齟齬中王既貴終身北面復使三子咸受春秋俱魁多士初授東烏知縣陞泰州知
州勵介節士民德之秩滿轉慶遠同知以清廉慈惠處之甚得蠻夷心引年歸著有春秋解政
餘錄康熙志

許仁卿字天爵

康熙縣志

號古泉臨海人嘉靖七年

雍正浙江通志引舊志

中應天鄉試第一

康熙志

爲吉安司

理殫心獄訟全活甚多

舊志通

二十年陞瑞州知府會大饑穀價騰踊仁卿多方救濟又倡建仁

濟橋親詣鄉都勸助踰年而成

瑞州府志

州人祀之

康熙志

陞湖南副使致仕

舊志通

與同里王洙葉忠

爲友不通私謁合刻江山古意章有事關地方民社者公言之而已

康熙志

歿祀鄉賢祠

康熙縣志

邵濬字懷源太平人

康熙縣志

父冲字尙霄以府掾入都從保國公征伐以功擢鴻臚寺簿遷光祿

寺署丞

康熙縣志選舉

濬舉嘉靖七年鄉試官崖州知縣

康熙縣志

安戢黎氓歲饑不待請卽發倉振濟司徒

鍾某聞之嘉其能州民爲立祠遷河池知州逼近南丹郡地東蘭三土州濬孚以威信皆欣然

奉約束

嘉慶縣志

陞德府左長史緝古賢王懿行名訓志錄以進王嘉納焉乞歸掃墓王賜以詩著

有陳伯玉杜少陵詩注

康熙縣志

張志淑字世彥號石橋臨海人少英敏爲文援筆立就弱冠舉嘉靖十三年鄉試第一選瑞州推官摘發悉當合境稱神明豪右皆相戒毋犯直指巡列郡輒檄與俱慨然以激揚自任墨吏悉望風解綬時嚴嵩柄國縉紳爭趨其門志淑弗與通久之遷南京刑部主事陞郎中出知思恩府思恩蠻獠雜居志淑示以威信衆咸懷之

康熙志

郡無學志淑度地叛建

家傳

未幾土酋以兵

逼城下志淑率吏士奮擊郡賴以安致政歸惟圖書數卷

康熙志

卒年七十一

家傳

余鐸字振之號雲屏黃巖人天性孝友父陵爲倉使滿秩力勸之歸以善養終讓讀書田與宗人復振其窶者年十五爲諸生文名一時嘉靖中以貢授崇義訓導地僻士陋鐸日與敦說詩書衆皆奮起故事齋膳夫直率倍徵鐸請於縣革之學旁多隙地舊募人藝蔬收其稅鐸撒而歸之官屢請休不許會峽江尹成子學以御史檄行縣勢張甚鐸與抗禮成銜之陰求無所得以濫酒中之坐免蓋不知其不善栖杓也賦一絕歸諸生垂涕送數百里外家居二十年杜門著書後先邑令莫能覲其面鐸學務實踐泊於紛華勢利著有雲屏稿西山雜言

康熙府志

應從立字立之號方泉黃巖人性易直不立町畦獨嚴義利之辨嘉靖中以貢授含山訓導爲

教務先行檢諸生貧者分俸給之陞鹽城教諭秩滿宜送部改調遂歸

乾隆縣志

同縣鄭茂寬字克

敬亦嘉靖中歲貢授望江訓導陞英山教諭端範善教多所造就兩署縣事省費緩徵民咸德之致仕歸言行淳篤爲鄉邦推重卒年八十九

康熙縣志選舉

余世英字明卿

萬歷縣志

號虛齋仙居人世忠弟七歲能作大字有徵文啓署市門幾千言策馬過

閱之背誦不遺一字

康熙縣志

嘉靖十五年以選貢入南雍明年舉應天鄉試授山東堂邑知縣清

介自持愛民如子民稱爲余父歲饑捐俸振之全活萬計民爲之謠曰余父慈來何遲蚤來省

我百姓饑陞松江通判民又爲之謠曰余父慈去何之一度思量一度悲抵松八月以親老欲

迎養未得積思成疾卒

萬歷縣志

孫承平字行夫萬歷間貢生終瑞安教諭曾孫念修字茂翼號斯

歐性至孝博極羣書崇禎間貢生

康熙縣志

林元棟字子隆號中岡太平人嘉靖間貢生授漳州訓導再爲甌寧教諭以憂歸服闋補新建

陞湖州教授擢楚府紀善茅坤稱其在湖學以力行爲先有胡安定遺意既去寮貳以下及門

弟子數十百人共置酒賦詩餞之茗水上著有率士邇言六不齋稿

嘉慶縣志

王穀字半江臨海人洙之子嘉靖二十五年舉人

康熙縣志

隆慶間知海澄邑初建土垣庫陋當道

議城之穀承議派徵爲均闔邑丁糧充以八縣郵羨畫作暮程細務必親逾年而城成民不知

擾福建通志民號曰王公城特祠祀之海澄縣志先是同縣陳文祿字世勳由選貢官南城訓導康熙

選舉縣志嘉靖二十年爲耒陽教諭始至見學宮爲城所逼亟圖遷改工未竣以內艱歸猶留詩以

風後人士林偉之湖南通志又有徐滋嘉靖間由貢生任利津訓導問學該博敷教詳明襟期

風采人士多景仰之武定府志

鄧棟號澄庵臨海人嘉靖二十九年進士任行人陞兵科給事中直言著聲終苑馬寺卿著有

澄庵集祀鄉賢祠康熙縣志

孫銳字希穎臨海人嘉靖二十九年進士授泰昌知州有築城勞陞贛州知府剿賊有功歸田

清約鄉評重之康熙縣志祀鄉賢祠康熙縣志

何寵字汝錫號文峯臨海人嘉靖三十二年進士除無爲州知州康熙縣志慈祥愷惻不事苛察法

所當施絕無假借時值倭警寵預築城浚池親督慰勞而民不擾州人德之江南名志陞刑部員

外郎晉郎中出知潮州康熙縣志時潮亦患倭郡縣騷擾至鎮以靜病苦許上達察其利病而興

革之減賦役蠲鹽課一以坦易得民兵驕勿戢按法裁之部伍帖然忽寢疾闔郡奔走祈禱比

歿罷市巷哭廣東名宦志初寵去無爲州州人建祠於城南與巡按吳朋通判冀元偕祀稱三賢徐